

## اوننگ گوجری نیوز بولیٹن 11 اپریل 2025

\*\*\*\*\*

یوہ آکاشوانی جموں ہے محمد سفیر تے نصرت تیں خبر سُنو۔

\*\*\*\*\*

## HEADLINES

- ۱۔ وزیر اعظم نریندر مودی نے کہیو مارو مقصد ہمیشہ تیں رہیو ہے سب غو ساتھ سب غو وکاس اسی جزبہ غے نال ہی ہم ہر شہری غی بھائی واسطے اگے بدھ رہیا ہیں۔
- ۲۔ صدر جمہوریہ محترمہ دروپدی مرمو نے اپنو دورو سلووکیا کامیابی تیں مکمل کرلیو ہے تے بھارت واسطے روانہ ہو چکی ہیں۔
- ۳۔ کشتواڑ گا چھاترو جنگل گاعلاقہ مانہہ حفاظتی اہلکاراں غے نال جھڑپ مانہہ ایک دہشت گرد ہلاک ہو گیو ہے۔
- ۴۔ قومی شاہراہ ۴۴ ور ممکنہ دہشت گرد حملوں غ اخزشہ غے پیش نظر حفاظتی انتظام سخت کردتا گیا ہیں۔
- ۵۔ بھارتی محکمہ موسمیات نے جموں کشمیر تے قول قال غا علاقوں مانہہ بھاری بارش واسطے اورینج الرٹ جاری کیو ہے۔

\*\*\*\*\*

## PM VARANASI

وزیر اعظم نریندر مودی نے اج وارانسی گا مہدی گنج مانہہ ۳ ہزار ۸ سو ۴۸ کروڑ روپیہ گی لاگت آلا ۴۴ پروجیکٹاں گو افتتاح تینی بٹو رکھیو ان پروجیکٹاں مانہہ سڑکاں گی بہتری واسطے بنیادی ڈھانچہ بجلی تعلیم تے سیاحت گا پروجیکٹ قابل ذکر ہیں تانجے علاقہ غیبھتری نانہہ یقینی بنایو جاسکے۔ اس موقع ور عوامی دلی سنگ خطاب کرتا واں وزیر اعظم نے شہر گی ترقی نانہہ اُجاگر کیو تے کہیو جے کاشی ہُن محض اک قدیمی نمونو نہیں رہیو بلکہ ترقی گی علامت گ طور ور ابھر رہیو ہے اُنہاں نے کہیو جے مہاری رہنمائی گو منتر صرف سب گا ساتھ سب کا وکاس ہے اُنہاں نے مزید اس طرح کہیو۔

\*\*\*\*\*

## PREZ SOLOVAKIA

صدر جمہوریہ دروپدی مرمو نے اپنو سلووکیا غو کامیاب دور و مکمل کرلیو ہے یاد رہ جے صدر جمہوریہ گو یوہ دورو کئی وجوہات سنگ اک تاریخی دورو تھو۔ مذکورہ دورہ بھارتی صدر گو قریباً ۰۳ سالوں بعد ہوئیو ہے آکاشوانی گا نمائندہ غی اطلاعات گے مطابق اُنہاں نے سکوکیا گا سدر پیٹر وزیر اعظم روپرٹ تے دیگر وفود سنگ ملاقات کی تے اس دوران اُنہاں نے ۲ مفاہمت نامہ ور وی دستخط کیو قابل ذکر ہے جے صدر جمہوریہ نانہہ نیٹرا گی کاسٹینٹ ٹائین دی فلا سفر یونیورسٹی نے ڈائریکٹوریٹ گی اعزازی ڈگری وی دتی۔

\*\*\*\*\*

## KISHTWAR TERRORIST KILLED

ضلع کشتواڑ گا چھاترو جنگلی علاقہ مانہہ دہشتگرداں تے حفاظتی دستاں مابین ٹاکرہ مانہہ ۱ دہشتگرد مار دت وے۔ آکاشوانی جموں گا نمائندہ گی اطلاع غے مطابق دہشتگرداں بارے سولہن تیں بعد جموں کشمیر پولیس تے فوجی دستاں نے مذکورہ علاقہ مانہہ ۹ اپریل نانہہ تلاشی کارروائی شروع کی تے اُسے تہاڑے دیر رات حفاظتی دستاں تے دہشتگرداں مابین گولی غو تبادلو ہویو جس غا نتیجہ مانہہ ۱ دہشتگرد ہلاک کردتو ہے۔ اس بارے جموں فوج گا وائٹ نائٹ کارپس نے سماجی میڈیا ایکس ور پوسٹ کر غے اظہار کیو جے مہارا جواناں نے مشکل گزار رستہ تے خراب موسم گے باوجود وی کارروائی جاری رکھی۔

\*\*\*\*\*

## RAMBAN SECURITY

خطہ جموں گا ادھمپور تے کشتواڑ ضلعان مانہہ حفاظتی دستاں تے دہشتگرداں مابین ہویا ٹاکراں تیں بعد ضلع رام بن مانہہ پولیس گی مخصوص چیک پوسٹ قائم کی گئی ہیں تانجے کسے وی دہشتگردانہ حرکت گو ویلے سر نیٹرو کیو جاسکے اس بارے جموں کشمیر پولیس نے دہشتگرداں سنگ نمڑن واسطے آئندہ گو لائحہ عمل وی تیار کرلیو ہے۔ اس بارے رام بن گا ایس ایس پی گلبر سنگھ نے اس طرح کہیو۔

\*\*\*\*\*

## ARMY SURVEILLANCE

بھائی فوج نے قومی شاہراہ ۴۴ ور ابنی تعیناتی تے نگرانی نانہہ مزید سخت کردتو ہے تانجے دہشت گرداں غی نقل و حمل تے جنگی سازو سامان غی ترسیل نانہہ روکیو جاسکے جموں کشمیر پولیس غے نال مل غے مختلف جگہاں ور مشترکہ موبائل گڈی چیک پوسٹ قائم کی گئی ہیں۔ اہم چوراہاں تے داخلی و خارجی رستاں ور جدید گڈی سکیندر منصوبی زبانت ور مبنی چہراں غی شناخت کرن غو نظام تے شناختی نظام نالے ایک جدید ٹیکنالوجی جہیزو گڈیاں غا نمبر پلیٹ نانہہ خود بخود پڑھ غے ان غی شناخت کرے غو نصب کیا گیا ہیں۔

\*\*\*\*\*

## POONCH PROPERTY ATTACH

ضلع پونچھ مانہہ دہشتگردی تے منشیات مخالف کارروائی غے تحت جموں کشمیر پولیس نے بگیال درہ پونچھ گا محمد بشیر گی ۴ کنال ۵۱ مرلہ غیر منقول جائیداد نانہہ ضبط کیو ہے۔ قابل ذکر ہے جے محمد بشیر دہشتگردی گو زمینی سطح غو ورکر ہے۔ یاہ کارروائی عدالت گا حکم نامہ غے تحت کی گئی ہے تے مذکورہ ملزم سرحد تیں آرپار منشیات غا کاروبار تے دہشتگرداں گی مالی امداد مانہہ ملوث تھو زرائع نے دسیو ہیجے اس کارروائی گو مقصد منشیات تے دہشتگردی گی مالی معاونت ور روک لاغے خطہ نانہہ دہشتگردی تے منشیات تیں پاک بنانو ہے۔

\*\*\*\*\*

## BAISAKHI MELA

جموں مانہہ بیساکھی میلہ تے توی آر تی واسطے تیاریاں زور وشور تیں جاری ہیں یاہ تقریب ۳۱ اپریل نانہہ توی دریا غے کنارے منعقد وے گی۔ جس مانہہ بھگتی موسیقی تے ثقافت غو حسین ملاپ دیکھن نانہہ لبے غو جل شکتی محکمہ غ اگمشنر شالین کابره تے جموں سمارٹ سیٹی غ اسی ای او دیوانش یادو نے موقع ور جاغے انتظامات گو جائیزو لیو۔ حکام غے مطابق

یوہ جشن سماجی ہم آہنگی تے روایت نانہ فروغ دین غو زریعو وے گو مقامی لوک تے سیاح  
بے صبری تیں اس رنگا رنگ روحانی تقریب غو انتظار کر رہیا ہیں۔

\*\*\*\*\*

## CHOWGAN BEAUTIFICATION

ڈپٹی کمشنر کشتواڑ راجیش کمار شون نے تاریخی چوگان میدان غو معائنہ کیو۔ تے اس غی  
خوبصورتی بدھان واسطے اہم ہدایات جاری کیں۔ انہاں نے پھولاں غی کیریاں داخلی دروازاں  
تے تحفظ تیں متعلق کماں مانہ تیزی لیاں گو حکم دتو۔ ڈی سی نے کہیو کہ ہُن جانوراں نانہ  
صرف اجازت نامہ غے نال ہی میدان مانہ چرن غی اجازت دتی جے گی۔ صفائی ور زور دیتا  
واں انہاں نے کشتواڑ ترقیاتی محکمہ تے بلدیاتی کونسل نانہ صفائی غو خاص خیال رکھن غی  
ہدایت کیہے۔ ڈی سی کشتواڑ راجیش کمار شون نے مزید اس طرح کہیو۔

\*\*\*\*\*

## RAJOURI SPORTS MEET

ضلع راجوری انتظامیہ نے اجے منی سپورٹس سٹیڈیم راجوری مانہ راجوری تہاڑا تقریبات  
۵۲۰۲ گا سلسلہ مانہ ایک تفریحی کھیڈاں گا مقابلہ گو انعقاد کیویہ ۷ روزہ تقریبات راجوری  
غی عوامی تنظیم گا اشتراک تیں منعقد کی جارہی ہے۔ اس کھیڈاں گا پروگرام مانہ ۴۱  
سرکاری سکولاں گا طلبہ نے حصولی و تے مختلف کھیڈاں مانہ بڑھ چڑھ غے حصو  
لیو۔ ایڈیشنل ڈپٹی کمشنر راجوری راج کمار نے اس پروگرام غو افتتاح کیو تے کہیو کہ یہ  
تقریبات اُن شہیدا ء غی یاد مانہ منعقد کی جارہی ہیں جنہاں نے ۳۱ اپریل ۸۴۹۱ نانہ پاکستان  
غی حملہ آور افواج تیں راجوری نانہ آزاد کرن مانہ اپنی جاناں غی قربانی دتی تھی۔ انہاں نے  
مزید اس طرح کہیو۔

\*\*\*\*\*

## GUJJAR JAT CONF

گجر جاٹ کانفرنس غ اصدر جناب منشی خان کسانہ صاحب نے ضلع راجوری غا کالاکوٹ  
علاقہ مانہ پیش آیا افسوسناک واقع ور ٹونگا دکھ تے افسوس غو اظہار کیو ہے جت خانہ  
بدوش طبقہ غا مال مویشی تے بکریاں ہلاک ہو گئی ہیں منشی خان کسانہ نے کہیو کہ خانہ  
بدوش برادری غ و گزر بسر غو واحد ذریعو یہی مال مویشی وین تے اُن گا مال غی ہلاکت تیں  
بعد اُن غا خانداناں واسطے روز گار غا تمام دروازہ بند ہو جیں۔ انہاں نے حکومت تیں مطالبو  
کی وے کہ متاثرہ خانداناں غا نقصان گو فوری تخمینو لاغے انہاں نانہ مناسب تے بھر پور  
معاوضو دتو جے تانجے وے دوبارہ اپنی زندگی نانہ سوار سکیں تے اپنا نچاں گا روز گار  
جاری رکھ سکیں انہاں نے کہی و یوہ صرف مالی نقصان نہیں بلکہ اُن خانداناں غی زندگی غے  
نال جڑیو وی مسلو ہے۔ لہذا حکومت نانہ فوری طور ور قدم چانو چاہیے تانجے متاثرہ افراد  
نانہ مدد دتی جاسکے۔

\*\*\*\*\*

## IMD WEATHER

باہرتی محکمہ موسمیات نے راجستھان پنجاب ہریانہ اُتراکھنڈ ہماچل پردیش تے جموں کشمیر  
مانہ پہاری بارش ہون گے پیش نظر اورینج الرٹ جاری کی وے محکمہ غیمطابق قومی  
راجدھانی گا بکھ بکھ مقامات ور وی بارش ہون گا امکانات ہیں آکاشواہی نیوز سنگ گل کرتا

واں محکمہ موسمیات گا سفیر سائنسداں آر کت جینامانی نے کہیو جے ۴۱ اپریل توڑی تتی  
لوح چلن گا کوئے امکان نہیں ہیں۔

\*\*\*\*\*